



光緒庚子七月



中西
火記
中西
火記

曲園俞樾署



正修堂
丁氏梓行

光緒庚子七月

節烈遺

芬

丁亥初夏

鬱平陳璜

節烈記圖

一





石門吳涇

節烈記圖



洪憲庚子閏八月寒露節蘇昌賈明齋崇山刊

錢塘丁氏先世

周太安人蘇豆

橋殉節圖為

竹舟松生西仁兄

繪事在順治丙

戌至今二百三十九

年矣光緒甲申

仲冬吳恒二并記

節烈記圖

三



光緒庚子閏八月寒露節海昌賈明渲紫山氏縮臨

丁氏節烈記

乾隆浙江通志

裔孫丙敬編

乾隆浙江通志

卷之四

丁瑞南妻周氏順治初年游軍入村落見氏姿美攜其臂去至河干遂躍入水死時年二十三里人立石於死所曰丁烈婦殉節處

乾隆紹興府志

烈婦周氏者丁瑞南妻福巖村人順治三年大兵渡江游卒入村落攜其臂去叫號不得脫至河干遂躍入水拯之起須臾復溺如是者三卒死於水中年

節烈記

一

二十三後人立碑表其地

嘉慶山陰縣志

周氏丁瑞南妻順治丙戌流寇入村落攜周去周躍入水拯之起須臾復溺如是者三卒死於水年二十三後人立碑表其地

案府志瑞南福巖村人

先節烈題

旌文牘暨事實舊載家乘道光丁

未先庶常伯曾乞軍機章京刑部員外郎邵公

懿辰為傳翰林院檢討曾公國藩為墓表敬藏

家祠咸豐辛酉悉燬兵火邵公亦是歲殉難忠

義之名照耀國史曾公出將入相為中興第一

名臣嗚呼兩公鴻文鉅製洵足表揚先德爲子
孫者轉不克寶守遺徽罪可追耶今年祠堂新
成謹就省郡邑志各錄一則勒石堂壁藉彰先
節烈於萬一二云同治九年閏十月裔孫申敬識

浙江忠義錄

王氏錢塘人江蘇同里司巡檢丁莊妻咸豐二年江
甯陷江浙震動莊時需次蘇州王慮賊倉卒至常以
佩刀自隨口占詩云國初遺烈風猶在願效吾家周
太君蓋丁氏之先有烈婦周當國初大兵定越時土
寇掠其村赴水殉節事載浙江通志十一年王已歸
杭州及城陷匿複壁中爲賊搜得卽以剪刀斷喉立

節烈記

二

死

王刃發其人曰獲同里言滋愈丁莊妻知書二平口
節烈記

節烈記

節烈記

節烈記

節烈記

丁烈婦傳

蓮舫

嘉興

石中玉

天下遇事變倉猝之起能全一己之名節而兼能全

一家之宗祧此忠臣烈士之所難何況婦女 國初

永康吳烈婦絳雪以才色著耿逆之亂賊令曰有以
吳氏獻者免不則屠其城氏毅然往至半途投厓死
賊相顧駭愕而城圍已解此其深明大義節烈有足
多者然猶不若丁烈婦之全其宗祧而仍能從容就
義也烈婦姓周氏歸丁瑞南爲室世居山陰福巖村
瑞南服賈於杭烈婦挈二子家居順治三年明鼎初

節烈記

三

革土寇蠭起烈婦知不免乃以二子囑族人曰此丁
氏之一脈也不可以我故而使丁氏無後其歸於若
父無何賊入村剽掠欲執婦去婦一躍入河賊拯之
三拯而三溺焉卒死於蠶豆橋下考吳烈婦之卒也
早寡嗣子又殤是其心一無顧慮烈婦之卒年甫二
十三度其子之長者亦不過數齡依依膝下使稍有
所繫戀而忍死須臾其子亦未必不死抑或挾二子
以俱死焉又將何以對其夫是其計出萬全有較難
於吳烈婦者烈婦死於六月四日瑞南奔視死三日
矣尸不腐蛆不生里人感其神於橋下立碑表其事

事詳通志南畝釋史厥後二子兆晉兆茂移居錢塘
乾隆十四年孫可學上其事於朝得 旨旌表迄今
子孫繁衍代有聞人易曰積善之家必有所慶而獨
歸美於坤德烈婦其積厚而流光耶烈婦生有至性
母病心痛有傳以指血和藥可愈者卽刺十指血以
進疾頓瘳蓋其能引決於須臾者必先能竭誠於平
日也距烈婦死二百年其裔孫士元以名進士入詞
林乞曾文正表墓戴文節書事鴻文鉅製照耀兩間
獨邵位西樞部傳殉難散失五世孫徵君丙東南善
士屬爲補傳懼筆力薄弱不足續邵公後而又歎大
節之罕覩也謹次其事而補之

節烈記

四

丁烈婦墓表

曾國藩 潯生 湘鄉

道光二十有七年十月錢塘丁士元圖其五世祖妣烈婦周安人之墓道又譜其世系述其節行踵吾門而告曰士元之五世祖妣李氏南畹繹史曾以掇之列女傳者也實以順治初殉難今二百載矣維塋域有下窆之石不克宣刻事蹟暴諸道路懼終將晦湮且無以興救世世子孫先生天下之風於文如不余屏請爲文揚之墓是寵吾族而厚吾先世以不朽也國藩禮辭不獲則謹次丁氏之系烈婦之畸行與

節烈記

五

聖朝旌顯幽微之義有顛有委以激懦者其語曰丁氏之別子居山陰者曰際龍世農也其元孫曰瑞南始爲賈杭州是爲烈婦之夫烈婦生而篤孝其母患心痛絕急或稱海上方指血和藥可立已烈婦則盡刺十指劑血以進病良已瑞南旣質遷於杭家中有無壹仰烈婦裁冗而緝匱贏事而縮食秩如也順治三年我大清兵下紹興土賊乘間四出焚掠烈婦挈二子奔竄賊數規之烈婦度終不得脫乃以二子付族屬之老成者曰以累若襁歸兒父吾不可爲賊辱遂自投水賊追救之不効凡三溺乃絕年二十有

三歲瑞南在杭聞難奔馬三日矣尸不腐蚊蚋不集
其卒以六月四日天盛暑也瑞南悼妻之義死痛土
賊之獸心曰孰不可居又奚爲於故里遂占籍杭州
前列婦所挈竄之二子曰兆晉曰兆茂至是兆晉始
爲錢塘人矣其後百有餘載至乾隆十四年孫可學
上其事於朝乃蒙 恩予旌表又數載以可學官某
官 贈烈婦爲安人又九十載至道光二十五年烈
婦之裔孫士元以進士入翰林丁氏寢寢昌大矣維
明季之亂匹夫匹婦蹈死如歸者所在多有而食祿
者往往濡忍不決或偷活無幾時旋亦周章就斃等
死也血氣之軀非必久長不做之物也彼獨須臾不
審耳人固有斷不可不慎之須臾如烈婦之光顯豈
須臾也哉亦且長久焉爾

節烈記

六

同治甲子暮春丙以公事謁文襄左公偶詢及
家世公瞿然曰曩見滌帥有丁烈婦表墓之文
子其烈婦裔孫耶丙對曰然惜兵燹時曾文與
邵君位西所爲傳均燬矣將求公更作可乎文
襄曰曾文世久傳誦當爲子走書索其稿無事
更作也未幾文襄督師閩江不及伸前請甲戌
於戴文節公遺集中見書事一篇其於曾文意

別有主而適足以相發明逮光緒丙子曾文正
公全集書成則是文彪然列焉因乞德清俞太
史樾書丹復郵乞文襄篆額今年秋先兄請謝
先生庸勒石甫竣而先兄遽物殫蠟未及見也
悲夫邵君所爲文搜採迄不得不能無憾然觀
古來正氣之在天地與文之載道而維持乎人
心者雖久沈晦若無有傳焉而其精光終不可
湮佚邵君之文其必有遇之者乎光緒十三年
十一月朔裔孫丙敬誌

節烈記

七

書丁烈婦周安人事

戴

熙 醕士 錢塘

道光丁未孟冬邵子懿辰著丁烈婦傳以示熙翼日又讀曾子國藩烈婦墓表熙因稔知烈婦而書以志焉烈婦姓周氏浙江山陰人年十九歲嫁同縣丁天相有子二人順治三年天相商於杭 大清兵南下土寇起入烈婦村烈婦知不免託兩兒於族人歸其父自出門溺賊援出之三出三溺死蠶豆橋下死時年二十三天相聞變渡江歸視斂值天大暑尸逾三日不變瘞橋下天相遂挾兩兒遷杭烈婦之死世無

節烈記

八

知者獨村人立石志死處而已縣學生可學烈婦孫也以乾隆十八年請旌於 朝又以官封爲安人道光二十六年嗣孫士元又以庶常告歸修其墓具略乞京師達官表之蓋上距烈婦死二百年而名乃顯曾子之言曰死須臾事也當世籍籍聲施者或敗於須臾而烈婦不且久長已乎戴子曰死非須臾事也烈婦事姑刺指血療姑篤疾徧刺十指疾竟起茲非其有所積而然與夫無所積而求不敗於須臾與積不厚而徒以須臾獲久長者世未始有也觀烈婦可見矣邵子以爲知言

嗚呼曾邵二公所撰先節烈傳表旣燬兵火今
讀戴文節公習苦齋遺集又得公書事一篇族
人俱未之見蓋公謙抑未示人也曾公謂死須
與事耳公謂死非須與事意各有主然公言篤
矣傳曰積善成德神明自得豈獨死節然哉凡
有所樹立皆非一朝夕之事也爰鏤石告族人
以表先德書紀尸逾三日不變壑橋下乃就罹
兵藁葬言後實遷葬山陰河塔山之原同治甲
戌清明節裔孫申敬識

節烈記

九

丁烈婦墓圖記

柳商賢 質卿 吳縣


丁烈婦者山陰福巖村丁瑞南妻周氏也順治三年
大兵下紹興土賊起四出劫掠瑞南賈杭州烈婦知
不免以二子託族人歸其父既遇賊脅之去過蠶豆
橋躍入水賊援出之三出三躍乃死年二十有三里
人立石於其地曰丁烈婦盡節處乾隆中孫可學上
其事於朝 予旌表又百年曾文正公始爲之墓表
戴文節公亦書其事蓋烈婦死節本末於是乎始大
著文正之論曰明季匹夫匹婦死難者所在多有而

節烈記

十

食祿者往往偷活無幾時周章就斃彼獨須臾不審
也人不可不慎之須臾以獲久長耳文節則曰死非
須臾事也非素有所積與積不厚而徒以須臾獲久
長者世未嘗有也且以烈婦刺指血療母疾事證之
予讀畢作而歎曰道光季年中外相次亂作曾公目
覩夫草間偷活之輩感節婦事借明季諸公以刺之
豈得已哉豈得已哉彼平居以道義自負一旦遇事
變幾幾乎欲死矣而竟不死死豈易言哉故嘗有志
未定而敗之須臾者斷未有志素定而不能決之於
須臾者也若烈婦可以風矣烈婦裔孫立中辛卯鄉

試出予房以節婦墓圖乞予記之立中世父曰申者
自爲之識曰豈獨死節然哉凡有所樹立皆非一朝
夕之事也其旨美矣予何言哉姑引伸曾公之言以
塞其請云爾



節烈記

士

參其前云爾

又之再悉其旨美矣予而有姑故用制曾公之言以
自其之識曰豈獨死節然哉凡有所樹立皆非一朝
夕之事也其旨美矣予何言哉姑引伸曾公之言以

跋戴文節記丁烈婦事後

查光華 子春 海甯

易曰積善之家必有利慶又曰善不積不足以成名積者久長之謂非須臾之謂也戴文節因曾文正須臾二字而引伸其義謂丁烈婦周氏之能盡節須臾由於能刺指血以起姑篤疾積誠之驗非須臾所致也觀其三出三溺時不踰須臾而求死不得卒至於死則須臾固見爲積矣宜乎其積二百年之久而大發幽光天亦積久而報之也明乎積之義則天地皆氣之積古今皆運之積析而言之無非一須臾耳推

節烈記

三

之帝王積德累數十世而其祚始昌聖賢積德行數十年而其道益著徵諸近則曰積中發外徵諸遠則曰積厚流光合徵之則曰積小以高大夫積者累也有所積一息可貫百年無所積百年不如一瞬故舍須臾無所爲積非須臾不能致積文節之於文正立說不同而取義則一也由是知餘慶之延成名之顯無一非根於積善而天道福善之說於茲益信烈婦裔孫曰立中從余游勤學不倦其有得於積學之理乎一日出此圖求余題識余嘉其能不負先世之積德也因本戴文節積厚之說發明其旨書而歸之

丁節烈記書後

邵慶辰 子菘 仁和

憶昔庚辰之歲同硯友鍾君子逸以其姪婦姪女死難事告余余旣成雙烈合傳埒五色瓜廬叢殘而付諸剗剛氏矣越十有五年歲在旃蒙協洽以校官留蘭泉松生丁徵君出其先德節烈記自杭郵跡展而讀之乃歎事與鍾氏雙烈略同而自 國初迄咸豐朝二百年後竟有裔孫婦能繼其遠祖姑志者戴文節之言曰有所積而然洵非誣也兩烈婦之事見通志郡志邑志暨忠義錄與夫當代名公墓表圖記題

節烈記

三

詠言之詳矣余亦尙何言哉雖然間嘗思之玉之碎也毀其質不滅其性木之植也靈其根乃繁其柯觀於烈婦之身殉清波三出三溺大節凜然微特後之王氏以翦斷喉克全其身爲能敬承先志卽徵君之剖臂肉以療親疾何莫非烈婦刺指血以療姑疾有以啟之哉使烈婦生而丈夫義烈所發進則手刃巨憝退則閤門效死視世之建高牙擁大纛猝遇事變濡忍遲回而卒不獲苟免者真不可以同年語惜哉其爲女子身也然而所積厚矣烈婦以有所積而奇行名於及身更以積之厚而餘慶貽之後嗣丁氏自

西渡後孝友傳家一門雍穆雲祢科第繼繼繩繩東
海之于東京之楊必其方興未艾焉此邦家之光非
閭里之榮也豈不懿與豈不懿與

節烈記

古

書蠶豆橋殉節圖後

錢塘王

子莊 黃巖

錢塘竹舟松生兩先生旣營丁氏祠堂於山陰因以其五世祖妣周太安人於順治丙戌在蠶豆橋殉節事載於浙江通志紹興府志山陰縣志者及忠義錄所載丁巡檢妻王孺人以咸豐辛酉自戕殉節事並勒石而嵌之壁旣乃取曾文正所撰丁烈婦墓表請俞蔭甫太史隸書左文襄篆額及戴文節書丁烈婦事壽之樂石又屬石門吳君滔繪蠶豆橋殉節圖而吳君恆爲第二圖其第三圖則日本松溪小山堅所作也於是烈婦之聲名洋溢宇內傳及海外矣當世名卿鉅儒相與詠歌其事得詩詞若文若干家低徊諷誦足以勵薄俗而振頹風其所係豈淺尠哉丙申九秋竹舟嗣君修甫孝廉出以示余敬謹展讀旣卒業乃作而歎曰家道之興必由於婦人况周安人之孝烈尤爲巾幗中卓然特出者宜丁氏世有聞人方興而未艾也歟至若王孺人之剪刀斷喉克繼遠祖姑之烈而松生亡室凌宜人又能爲五言長律述其遠祖姑之遺迹以詔後人皆可謂篤守家風者矣欽慕之餘因識於其後光緒二十二年九月旣望

節烈記

五

書丁氏節烈圖後

張茂炯

仲清

吳縣

懿夫悲鳥秋號巴郡表三貞之墓嚴柯冬烈任家題
雙節之門往牒所徵芳徽遠已若乃係傳累葉時閱
六朝赤筆相輝翠珉互映清風壑斷始全抱石之貞
夏屋峯危繼奮磨笄之志一門二烈異世同心如浙
之丁氏者亦可風矣丁氏武林名族舊出越東國
初有烈婦周太安人者其先德諱瑞南者妻也方其
蘋蘩尸職井臼持家椎髻斥妝練裙押佃鴟夷隱市
夫爲單舸之陶朱鴻案莊賓妻是布衣之德曜無如

節烈記

六

勝朝失鹿羣寇如麻潢池弄兵稽山保楮仙源何處
難尋避寇之鄉淚眼經年癡立望夫之石蓋藁礎未
返而烽火先驚矣太安人封髻待開飛蓬屏沐惟孽
鏡而照麗懼感悅之見侵自知齒折鯁狂雖峻投梭
之拒猶恐頭懸犢厄橫思拔刃而干拚委朱顏早含
墨色特以燕巢傾幕惑弱馘之無依鹿母驚絃愴孤
麕之莫育欲全貞節或隕宗支乃抱是藐孤屬之苟
息持茲塊肉還彼趙家於是丁氏之後存而烈婦之
身死矣迨夫天戈南討潰卒四颺劫舍焚廬肆行
剽掠太安人芳懷蓮潔勁操松貞淚漬斑筠飲帝子

湘中之恨碑銘黃絹追孝娥江上之魂三起三溺卒
死於蠶豆橋下時順治三年也且夫綽楔旌門雖光
宗之大耀冤禽填海究選世之至哀以此奇窮忍云
世覲然而紅羊歷劫難料者滄桑黃鵠哀歌自持者
冰蘖苟丁坎壈罹此亂離守此清芬不爲宗玷故篝
燈其績或有女以守髮髻麥麩誰呼或從姑而投簪
并徽音踵起尤足欽焉迺丁氏自烈婦死後閱二百
餘年而赭寇之亂復有丁貳尹妻王孺人殉節一事
以其時絳頭走戟敵敵鴟張緋帛纏旂寇氛蠶起孺
人自宦鄉言返故里旋淪哦七言絕命之哀辭懷尺

節烈記

七

咫夫人之七首伏妃蓬髮初牽筆底之衣蕭女斷喉
騫出履中之刃霜鋒兩股碧血千秋烈甚貫矛慘逾
引斧以視太安人之從容引決恍慨捐軀致死雖殊
守貞則一嗚呼奉天寶氏家稱伯仲之貞沛國桓宗
世濟行義之美以今視古殆有過之宜夫里人立碣
朝旨旌廬節烈之風後先同耀今者讀愍女之誄
翰墨爭芬展禮宗之圖丹青猶赫徵題索詠積軸充
編此固潛德之彰抑亦闡揚之力僕以他邦後進式
景前徽姑附俚言藉昭淑則庶幾靜女取三章彤管
之詩用諗迂官錄八尺輶軒之素焉爾

書丁烈婦事

顧雲石公上元

順治汜咸豐二百年餘丁氏一門有烈婦二皆所謂威武不能屈丈夫難之矣周安人者歸瑞南而商於遠嘗刺十指取其血療姑順治三年大兵南下自知不免以二子屬族人致其父奮身投蠶豆橋或美而援之三援三投卒以死蠶豆橋隸紹興丁時籍是也後遷杭州王孺人者夫莊官江蘇巡檢粵寇起自知不免豫爲絕命辭毅然有繼遠祖姑志寇偪手剪刀自殺時咸豐十一年也丁氏名者哀其事丐當代鉅

節烈記

文

公用光家乘於是論者莫不懿兩烈婦而爲之辭越光緒二十四年孝廉立誠以示雲雲曰甚哉今天下之不競也一時能以兩烈婦不屈於威武惟辦一死爲師卽不必果死其氣旣伸其猷斯壯而顧震懼失次逃死弗遑至日益受侮信乎若兩烈婦者丈夫難之矣

書丁氏雙烈圖後

程宗裕

光甫

仁和

夫女貞垂象筮吉於家人陰教覃鴻降德於兆庶豈不以綱常植義在履潔而懷清巾幗能賢亦光前而裕後常則以棗栗蘋蘩爲職變則以荼蓼冰檠勵操故周代歌詩女而稱士漢朝圖繪禮亦稱宗苟一節可稱千秋不朽已而況孝稱故老智全後人嚙指之痛無減於摧肝覆巢之下不驚夫危卵義風所激仍雲斯蕃勁松貞於歲寒根槩葉茂焯管傳爲世守繼武揚芬如丁烈婦周太安人暨其後烈婦王孺人洵

節烈記

九

光宗之奇徽式俗之令典也丁氏舊籍越東分支浙右方其未播遷時梅溪卜宅久號禮門柳浦牽車偶稱市隱太安人儉持中饋慈育嬰倪正期鵲報遙通重調琴瑟豈意狼烽漸逼遍地干戈乃挈二子以避兵織行鄉曲旋念藐孤之離父襁付宗人於是之死靡他捐生愈決井瀾比潔遂移岳女之孝思白水盟心甘效曹娥之遺則以順治三年六月四日自投蠶豆橋下屢起復溺心邁玉堅一瞑千秋芳逾蓮潔迨其夫瑞南公聞警歸視已三日矣貞氣未斂遺蛻若生未邀崇典旌揚蛟螭蟠碣自有神靈呵護蠅蚋驅

衣瑞南公離鸞鑑影鏡已破而難圓雛鳳呱呱枕輒
推而坐且悵羽襪翻鍛之天鵝依雲上處目斷手揮
之地雉效朝飛遂占新籍去彼故鄉從此椒聊蕃衍
芝秀駢闐東西浙競爽門庭大小宗分司祭掃非太
安人之善全一綫無以延慶於無窮亦非太安人之
自勵三從無以垂憲於乃後耳所爲中圭代毓秀靈
內助迭傳賢淑其尤著者莫如咸豐季年王孺人殉
節一事時值中原豕突狂寇鴟張萌於桂管之弄兵
蔓及蘇臺而舉燧孺人隨宦三吳豫拚一死比歸故
里益矢幽貞揮毫題句勝陰貞姬扉上之書挾刃自

節烈記

三

隨擬趙孝娥袖中之劍泊乎紅巾慘逼白璧終完晉
賊而齧齒如聞蹈死而刺喉立斷噫嘻遠近沸騰之
會誰識先幾死生呼吸之秋最爭一息如孺人之死
志早定奮身自戕向非有得於聞誠之原習聞乎祖
德之懿殆未易捐軀頃刻全節倉皇歟是以榮膺綽
楔並題節烈於 恩綸載以詩書同獲稱揚於志乘
柔嘉維則竟許傳家孝義高風播諸奕禩九原之慈
孺不審伊何五世之令名公然繩武宜乎薦紳慕德
椽筆爭題矣今者寰海升平精衛無須銜石門庭豫
順井泉原不生波丁氏有賢達曰竹舟松生兩先生

者蓋周安人之裔孫而王孺人之猶子也愴念徽音
追維世澤旁稽家乘博採詩歌猶復訪上相之鴻文
勒諸金石葺先塋之馬鬣託以丹青事迹聿詳心志
愈白編爲斯記用示方來從此範貽閨壺上補 聖
朝風教之隆訓著家庭下開族牒詒謀之矩越水生
輝吳山壯色僕弭彤有待質素無華拜觀冰堅霜潔
之圖懼貽雲過煙空之誚用表前徽敬成後跋嗚呼
碑題黃絹邯鄲夙愧才人話叙白頭天寶何來宮女
則斯編也文章有耀式備子政之披稽敬戒無違如
讀大家之訓誠矣

節烈記

三

題詠

張鴻卓 筱峯 華亭

戴文節筆乃鐵忠烈文章表孝烈孝烈誰丁母周越
二百年得闡幽母族錢塘今鼎盛母裔我有石交訂
讀戴文感母事時局未定母心定 大兵來伏莽戎
爲災不死身辱矣決絕無遲徊慷慨捐軀已不易似
續况策全其孩母也死神鬼敬母之氣乾坤正母非
一激遽畢命不見母昔刺血療姑病蠶豆橋邊水沈
沈塔山原頭柏森森今看隴阡表墓道羣欽丁氏世
澤深惟世澤深達人出君家兄弟善繼述 國恩家

節烈記

三

慶昭古越吁嗟乎劫來天地昏劫退幾家喬木存不
盡過墟歎天道疑難論天道難論而可論巍然通德
門筆史筆千秋芳

高學治 叔荃 仁和

謂金石堅金石匪堅金鎔石泐貞烈永傳 一解 庸人
參養思保厥身欲保厥身乃愧失身 二解 惟弱女子
保身則那欲保厥身之死靡他 三解 臂爲賊牽辱斯
在躬忍辱就死賊焰終窮 四解 惟夫在杭寄託二子
我則守義敢任巢毀 五解 越水縈迴越山青蒼往來
行人視碑一行 六解 身遭塞阨人勝天定頌圖載投

欽瞻家乘

七解

世亂靡已閭儀豈淪繼周恭人有王

孺人

八解

繫王孺人從宦異鄉賊蹤近逼先烈敢忘

九解

不死宦游仍死故里後先輝映視彼彤史

十解

張維嘉

頴仲

錢塘

層巒氣盤回鬱爲巖屹屹大川涵萬頃必有源汨汨
烈哉周安人作嬪嫺閭則事往逾百年奇節耀綸綍
堂堂霜日操實稟柔順德溯自結褵初靜好叶琴瑟
君姑疾沈綿憂端輻胸臆十指血脈枯始疾迺若失
婉婉修婦儀戚邨藉矜式鳳雛何翩翩頭角雙岐巖
饋奠值良時七俎成整飭人事有安危大運難億測

節烈記

三

何期揭竿徒歛起枋社側良人悵適遠矢死志彌急
將雛託族人至計籌頃刻明義夙所敦玉碎非所恤
畢命投深淵不畏豺虎逼惟時月大暑火繖爍原隰
獨異貞烈姿炎歆勿相及罷春鄰里傷行路亦悽惻
蒼蒼女貞樹越岫揚芬苾岩岸河塔岡綽楔表瑩域
綿延子姓繁磊落備文質昊穹福純懿偉行紀彤筆
至今蠶豆橋珉石尙岌岌

夏同善

子松

仁和

縣大觀村

山高河塔樹豐珉冰雪爲懷月寫神姓字都緣節烈
重文章始覺性情眞沈淵珠碎水終冷貫日虹飛草

不春小腆片時螢火滅女貞千古有完人

直筆森森秉董狐堅心素定不須臾每從桑梓論巾
幘宜寫松筠入畫圖越岫吳山家並峙忠臣孝子志
無殊濟陽世德承恩澤先後流芳合節符

李廷獻

芍洲 仁和

蠶豆橋波清且漣歐陽有筆表瀧阡千巖萬壑山陰
道九烈三貞巾幘賢指血療親徵孝行心聲述祖詠
詩篇璇閨世美揚彤管七葉流芳二百年

胡鳳丹

月樵 永康

人生人死爭須臾須臾不死判賢愚死節原非旦夕

節烈記

三

事須臾迺成女丈夫

曾文正公言死須臾事戴文節公言死非須臾事意各有主然

須臾之間一念偶差卽百年名節喪盡余故曰所爭在須臾間也我讀烈婦傳先紀

烈婦年結褵十九歸丁郎二十三歲沈黃泉志乘煌

煌紀婦事絕世丰神謝珠翠胡爲村落來游軍見婦

竟敢攜婦臂婦臂可攜婦心已死三出三溺不負此

水夫也聞變渡江歸際效酷暑流炎暉烈婦死逾三

日矣顏面如生世所稀烈婦生前事姑孝姑病乃以

指血療阿姑垂危刺十指起死回生立見效烈婦相

夫善持家雙雛繞膝聲啞啞不圖遇此紅巾賊未肯

須臾一念差夫可拋子可棄白玉不容點塵累可憐

死後無人知藁埋蠶豆橋下地百有七年方請旌
須臾竟貽萬世名迄今二百三十又一載傳表紀事
皆名卿烈婦身死名不死 國初遺烈垂奕禩後來
誰效周太君巡檢之妻曰王氏隨夫遠宦太湖濱四
鄰城邑俱沈淪挈眷歸杭被賊虜一剪斷喉全其身
我今自楚歸故里得見故人色欣喜痛譚往事揚遺
徽貞珉久已勒堂庀吁嗟乎表揚先德非徒然莫爲
之後盛勿傳吾家亦有兩烈婦 五弟婦盧氏七弟婦
王氏均於同治元年
殉難已請旌
表專建坊祠世亂方知巾幗賢

李嗣昌

昌甫 儀真

節烈記

三

玉可碎不可污節可死不可渝烈婦死矣今則無我
聞其事猶歔歔 一解 烈婦周氏女家世本會稽歸於
丁年逾笄有子二人方孩提夫曰天相商浙西 二解
順治三年王師來土寇蠶起無不爲婦知不免中心
摧望夫夫遠離婦命死不惜奈此膝下兒 三解 兒生
不得與父俱託其族人歸其夫兒有歸矣奚踟躕將
以完此冰玉軀出不返顧投清渠 四解 賊不爲寇乃
驚而救三出三溺赴死恐後時年廿三死不壽 五解
天相聞變歸惻愴親視斂維時值大暑三日尸不變
蠶豆橋下貞魂埋耿耿心腸靡所怨 六解 乾隆十八

年乃得 朝廷旌當時無知者後世傳其名噫吁嘻
人生節重身則輕烈婦一朝溺水死賢於百歲康彊
生七解

奎 澗 星齋 宗室

吳山越水望迢迢松柏凌寒見後彫再拜瀧岡肝表
讀大文雲漢有光昭

瑩然止水碧如羅蠶豆橋邊水不波此地沈珠淨無
萍花開白菡萏香多

并州翦快血凝絲素志千秋不兩歧血性能當天
事須知巾幗有鬚眉

節烈記

美

至行清儀志乘輝門前綽楔樹巍巍采風職在輶軒
使筆弱安能爲表微

鍾駿聲 兩辰 仁和

蹈海悲魯連行吟弔屈子不謂閩閩中有繼曹娥美
烈婦敦士行夫曰丁瑞南世居山陰村氏周年廿三
哀哉勝國季鄉僻擾游騎倉皇百室奔從容二子寄
出門臂任牽志水身可捐千金玉韞匱一躍珠沈淵
至今蠶豆橋橋下水凝碧古樹積雪寒勁草搖風疾
令譽久且長盛族熾且昌世業守故里分枝耀錢塘
錢塘有賢婦賦詩見素守圍城樂斯饑明志佩匕首

不留白玉玷終化碧血飛千古烈繼烈一笑歸眞歸
變起頃刻間本非須臾事興起百世風 恩褒 九
重賜

盛元愷庭 蒙古

兩間正氣相彌綸配三立極斯爲人男兒幾輩能自
立巾幗鬚眉氣絕倫山陰烈婦周家女濂溪道學追
遺緒禮門義路不敢踰女有士行聞者許年十九歲
歸於丁哲嗣岐嶷啟門庭夫子業商浙西去家事獨
支垂芳型當年厄運逢陽九鷹犬飛揚虎狼吼土寇
陡入烈婦邨烈婦呼天誓不負倉卒死所何處尋平

節烈記

三

生白水早盟心三出三溺畢吾願蠶豆橋下碧波深
人傳烈婦明大義姑疾曾將指血刺積善成德古所
稱可知死非須臾事迄今後嗣家乃昌 天闔上叩
昭幽光二百年後奇節顯 詔旌門里萬古芳邵公
曾公大手筆家乘墓表分撰述榮增泉壤沐鴻篇紀
事復有戴文節吁嗟乎三公忠義並千秋論述皆從
血性流我今作詩附傳後聊伸景慕思悠悠

茫茫浩劫古今有丁氏一家兩烈婦相去二百有餘
年後先輝映同不朽先述周氏後稱王王氏家本住
錢塘錢塘山水明且潔烈婦貞心髣髴當粵西寇燄

猖狂逞仇我大邦旋告警辛酉之亂胡可聞蠢爾寘
入浙西境賊勢逼城危莫危生死計較欲何爲烈婦
慷慨無他顧居然光弼韞刀隨陰雲慘霧蔽白日請
看喉濺星星血擲地有聲賊膽驚烈婦性本剛於鐵
試問當時庸庸儉甘心從逆何許人女中豪傑乃如
此正氣浩然羞凡塵 國初遺烈風猶在疇昔盟心
誓不改地下若逢周太君詩句重吟告無罪我 朝
景運慶中興 詔錄忠貞姓氏登從此芳魂終不沒
西湖風月神依憑吁嗟乎聖教由來重名節石比其
堅冰同潔後嗣熾昌理固然短章敬述烈婦烈

節烈記

三

江順詒 秋珊 元和

死本須與事倉卒遇寇不及避兩兒呱呱何所寄惜
無利刃斷此臂死非須與事姑病十指血痕漬二百
年來傳姓字乃是積誠之所致蠶豆橋下三尺波三
出三溺賊奈何郡乘家乘載歷歷傳自村人一片石
遺烈流傳遺澤長遺文重勒生輝光碧血埋地香在
水萬劫青蓮花不死

甘將死烈繼宗風雨慘雲愁複壁中巢卵萬家憐共
覆靴刀十載恨無窮吟詩早已心堪白斷頸眞看血
濺紅翟弗敢輕榮一命光留青史總相同

丁氏一門集人瑞丈夫文德女節義載於邑乘爭輝
光水木本源皆有自 真人九五乘飛龍鱗鱗潛舞
葆符中 王化先及於女子貞潔頗有周南風舍生
取義吾何懼笑指碧波是歸路蠶豆橋邊逝水流入
傳三次沈身處世知大節同冰淨不知大孝根天性
惟其奉母不恤身所以臨危能授命旨哉戴文節公
言死非猝辦由豫定紛紛節孝虛名耳苦志貞心安
有此孝是卧冰之王祥節是懷沙之屈子倘教置之
鬚眉中逆子貳臣皆愧死節孝高風蔭萬春至今闕

節烈記

无

閩萃簪紳傳之後代姬姜隊定有聞風興起人
人生德與福深願後人效捐軀以成仁不願後再蹈
美名固所欽苦節亦堪弔人意雖如此世運實難料
偉哉周安人光輝永灼照垂之二百年機槍忽吐耀
粵寇包紅巾滿地無理鬧蔓延武林城姬姜懼凶暴
矯矯王貞姜一心從吾好幼讀烈婦傳欲耐祖姑廟
白水與白刃異絃而同調相逢少室山破涕同一笑

蔡玉瀛 秋圃 仁和

稽山高而秀鏡水清且長山川饒清淑鍾靈節烈彰
烈婦周安人生小居村鄉稟性極幽閒出入孝姑嫜

忽焉遭兵燹士卒多猖狂相攜不肯行號泣呼彼蒼
一死不足惜畢命河中央 朝廷旌節烈豐碑附道
旁我聞昔宋室越中節婦王題詩清風嶺下投千仞
崗安人與之比前後相頡頏蠶豆橋下水千古流芳
香

馮崧生 聽濤 錢塘

止水葬千古衰門寄一雛大文表東馬直筆重南狐
賽社梅仙廟清風瓜子湖療親十指血立志豈須臾
同里歸喪日圍城絕粒時百年述祖德七字詠新詩
熱血并刀快貞心趙璧持徵文慚弱管黃絹外孫辭

節烈記

三

宗山 嘯吾 滿洲

干戈劇擾攘巾幗獨昂藏玉碎曾無玷珠沈自有光
熊丸虛夜月鴻案冷秋霜蠶豆橋邊路千年水亦香
大節垂閨範迢迢二百年移家依鷺嶺盡室駭狼煙
矢志償并翦留詩贖蜀牋雲仍傳史筆合傳表瀧阡

許應鏞 星臺 番禺

山陰丁氏柯巖居後遷錢塘大其閭上溯二百有餘
歲有烈婦周揚令譽烈婦身當勝國季夫也作客遺
雙雛忽遭小腆掠村落寄子鄰右遑惜軀賊來投水
賊援手三出三溺不受汚蠶豆橋下一泓水萬古清

潔綱常扶從此二子分土著越州杭州親無殊越族
子姓今繁盛世爲識字耕田夫土工商獨盛杭族有
時亦佩朝家魚中有烈婦述祖德作詩明志瑤瓊瑀
賊來以翦刺喉殉白虹飛血紅模糊莫爲之前莫爲
後如以合璧如聯珠傳千萬古事長久鴻毛泰山爭
須臾 欽旌兩世樹綽楔奠碑大書來通儒嗚呼此
烈誰能如嗚呼此烈誰能如

譚鍾麟

文卿

茶陵

間披釋史紀南畹媿燼凜然大節彰蠶豆橋邊一片
石路人指說姓名香

節烈記

三

摘蚤當年療阿姑焚香五夜血模糊無端一掬曹娥
淚寄與薰礶護二雛

二百餘年劫再逢虎林城外熾狼燧嗣徽尚有雲孫
婦一剪捐生地下從

節孝清芬萃德門松楸無恙畫圖存年年寒食東風

輒河塔山前酌一尊

唐樹森

藝農

善化

日星曾戴大文章史筆千秋姓氏香不獨山陰傳志

乘李家釋史論南畹

三溺堅貞志不移兩兒寄託忍分離瑩然含笑清流

處把臂曹娥樂水嬉
二百年來有繼人清吟見志劇悲辛佩刀忍餓圍城
困甘蹈霜鋒白似銀

先導清風周太君追隨鸞鶴駕彤雲濟陽家乘
重識 綸綉頌來五色紋

唐壬森

根石 蘭溪

白水盟波澄澄白刃蹈鋒棱棱爲闔門式爲世稱爰
歷二百幾十載內行無慚中有幸海不能枯石不改
郡志傳略家乘詳荷天之龍爲國光曰丁天相曰丁
莊有烈婦周烈婦王世居山陰遷錢塘

節烈記

郁昌耿

史卿 蕭山

三

柯橋紅上市樓燈繫榜叢祠喚欲磨世守清芬流自
遠文揚直筆我猶能淵沈珠碎堅如石風曉蓮開冷
欲冰白水可盟甘白刃闔門濟美有人興

邊保樞

竺潭 任邱

湛湛鏡湖水不受纖塵汗中有烈婦魂寒芒耀楸婺
烈婦者誰氏系出汝南周十九嬪於丁懿德淑且柔
習禮協珩璜澡性勵冰雪慈姑心頭疾孝婦指間血
時數厄陽九怒燄櫻萑苻潔身赴清流善保千金軀
豐碑樹河陽綽楔表間左紅心草一堆白蓮花一朵

凌霜草彌縟耐寒花不彫後來興起者跡此蠶豆橋
清流既可赴白刃亦可蹈遙遙二百禩兩世畢貞操
大節出璇闈庸流那能到人言間氣鍾坤靈作前導
我謂祖德厚盛名所以報差我武林山層巒蟠兀冪
合建雙節祠白雲覆深隩俎豆薦椒馨秉彝協羣好
一死重千秋敬爲斯民告

張濬萬

蕪生

長沙

啞啞林中鴉待哺攜雛兒盈盈一江水作客常別離
子子此居室斤斤禮法持況夙稱仁孝鄉黨式徽儀
椎髻謝塗澤當窗鳴機絲忽然白晝昏閭里豺狼馳

節烈記

三

相逼太云急此志那可欺寄兒還其夫丁甯重寄辭
此去完夫節語夫毋過悲越溪于丈深神龍守其屍
至今蠶豆橋流芳照水湄冉冉二百年繼起先型追
中原盛寇盜城郭遭阡危牆陰鬼晝哭巢破卵無遺
抽刀從祖姑貞魂來引之桃李落春花松柏成霜枝
人生重名教常變隨其時真氣所噴薄天地賴以維
偉哉雙節烈遺澤千秋垂明月流中天清光長如斯

祁世長

子和

壽陽

療親爲刺十指血遇賊爲全一身潔清流三出更三
溯此須臾事堅定心從容寄子謀獨深渡江一舸歸

藁礎幸哉完卵巢雖破如此清流不可唾把臂曹娥
歌楚些縣縣延延二百年流芳繼美子婦賢鳳綉
絲綸頌九天

黃國瑾

再同

貴筑

觥觥孝烈女中師懿行披圖想象之短棹先尋梅尉
廟清尊如薦水仙祠渡江驥子留雙壁傳世鴻文贊
色絲三百年來觀感切聞風繼起有餘悲

王堃

小鐵

仁和

河塔山頭秋月明蠶豆橋下秋水清行人指點奠碑
讀烈婦氏周夫姓丁時值勝國之末造潢池小寇咸

節烈記

三

弄兵魯王監國會稽郡半壁螳臂相支撐聖主麗天
耀旭日磷火一瞬如流螢螢光草間不遽滅蹂躪村
落生榛荆賊牽婦臂婦志定三出三溺完其貞厥後
二百有餘載武林族盛多冠纓子婦氏王希祖烈賦
詩見志成商聲守身白璧蹈白刃刺喉翦快并州并
死須臾事卽長久如驂與駟朝太清一江之水有餘
恨吳山越山相對青

應寶時

敏齋

永康

志士襟懷烈婦身豈容狐鼠亂芳塵至今蠶豆橋邊
水猶有餘香滿白蘋

靈根從此虎林遷彈指光陰二百年聖主絲綸名
士筆流傳端仗子孫賢

潘行桐

暉琴

南海

因國之季如佛羹黃河已挾天漢傾皎於碧月寒於

冰觀水獨有越鑑激達者

忠惠公

余

忠節

公煌騎赤鯉

慮者王

諸生潘布衣

駕介鯨

四公並赴水

浩氣須眉

浴止水首陽蕨盡朝太清

劉忠介公宗周先赴水後絕粒

浩氣須眉

賦不盡巾篋乃有山陰丁子家于國兩不滓精忠奇
節爭汗青其源清者其流遠餘二百載仍淵渟潢池
飏浪及漸水丁宗再見標堅貞明聖湖波豈弗潔完

節烈記

畫

節一翦鏃磨簪聖挈天綱植人紀後先一例加式
褒旌闡敷況有大手筆金石刻畫非臣能敬惟使者
職風教要礪志節興羣氓何當翦取鏡湖水徧漑庶
草成芳馨男效才良女貞潔乾維坤軸同支撐

吳

講介甫

山陰

疾風草逾勁積雪花恆香卓哉兩烈婦爲世閑大防
烈婦者誰氏族望表濟陽祖姑與孫婦前周而後王
曹江水同源并州翦飛霜二百三十載一脈流其芳
丹青寫圖貌金石詠琳瑯風節兩美合雲初五世昌
松筠樹千古蘋藻馨一堂懿行垂志乘大誼關倫常

極盛後難繼有美前益彰龍門作合傳 鳳詔頌天

章

朱善祥 蓉裳 秀水

越岫吳山隔一江令儀彤管表無雙女貞兩樹風吹

折小海招魂曲換腔

止水澄清冰玉姿蘋花瑟瑟柳絲絲披圖令我添惆

悵難畫從容赴義時

子姓雲礽二百年佩刀彌見志貞堅口占七字吟遺

烈楓落吳江句共傳

墓門無恙埽松楸節烈遺徽志乘掇能忍須臾卽長

節烈記

久昭昭名論各千秋

美

楊文瑩 雪漁 錢塘

龍鬪于野血元黃羣盜蠹起劫網張皎皎芳軀誓不

污水底便是飛昇路當年監國事可憐舟山蕞爾驚

濤間 大兵入海石壓卵整服投井元妃先早辦一

死了無恐讀雙韭文語絕痛 蛸琦亭集有舟山宮井碑文 豈知山

陰烈婦丁若或前驅引其轡于家于國兩不辱分殊

貴賤義則共夜月朝陽蠶豆橋雙丸濯景清淙淙曹

娥江水宛轉通弔古同投綵絲櫻表微況有曾邵戴

遙與謝山相伯仲遇賊飲刃又一時門旌二烈于春

輝那堪更說吾家事

庚申吾家殉難者廿七人

窗竹風來爲我悲

阮達元

端之

仁和

欲喚渡江楫來披表墓文沈淵昭止水奕世守清芬
風節欽巖竹雲初聚社粉後先雙烈繼再拜瓣香焚

楊葆光

古韞

婁縣

新圖展開有懿德相承遙動欽挹正氣淋漓慷慨臨
流終古波迴三折於今蠶豆橋邊路猶指點夕陽殘
碣道當年指血療姑至性那能磨滅每歎時逢板
蕩歲寒松柏見獨著清節事隔滄桑追比前徽只見
刀光如雪從容受命眞爲樂但義烈豈容湮沒試看

節烈記

三

取丁氏雙清興起幾多奇骨

疏影

洪良品

右臣

黃岡

蠶豆橋邊水泱泱白蘋花老芙蓉香驚風獵獵戰蒲
葦天暗四野雲蒼茫竭來一人掩面哭蓬髮鬢影黛
眉綠清波如鏡照冰心妙蓮那受塵污辱聳身一擲
凶徒驚湘妃龍女歡相迎下視紅塵半渾濁不釵而
弁甘逃生吁嗟魯連蹈海輕一死巾幗中人乃有此
君不見龜趺十丈負雲躡萬古清風表閭里

陳

彝

六舟 儀徵

蠶豆橋邊月似霜風來開徧白蓮香守身鴛錦機中

織刺血龍宮海上方留得大文終勒石任他小腆忽
跳梁爾年濟美堪歌詠志乘煌煌頌濟陽

錢塘又見劫灰紅痕絕圍城詠小戎世守青箱傳子
學心盟白水樂家窮千秋大節留并翦七字清標繼
越風會見 九重頌 鳳詔瀧岡表石待磨礪

馮文蔚 聯棠 烏程

曾訪山陰雪夜門烏篷搖出福巖村奠碑照水文傳
世慈竹凌寒月有痕鄰婦片言堪寄子孝娥同調共
招魂從容慷慨圖中見逸事今猶野老論

金福曾 茗人 秀水

節烈記

五

壯歲屯遭日潢池盜弄年倉皇尋故劍慷慨痛沈淵
畫冊增余感閨襜仰此賢曹江衣帶水遺恨共綿綿
咸豐辛酉先室李夫人避兵杭州城
陷投爇家皮市洪氏池以殉故云

況有同時事名門得禮宗題詩先決絕揮刃亦從容
合傳標雙節華旌拜 九重吾衰陳短詠風雨頌寒
松

陳 豪 藍舟 仁和

療姑刺血指痕稠婉婉蘭閨志行修孝烈由來非兩
事須臾原自有千秋
寒流三出卒淵沈斷臂芳馨古證今橋畔蓮花塵不

到尙餘雪色潔人心

詎容豺虎肆搜求破壁相驚已斷喉誓死哦詩先一
載清風長憶太君周

高偉曾

儒生

仁和

太史一瓣心香薰述祖首乞南豐文誰其繼者戴與
邵各揮椽筆揚清芬清芬難卻潢池盜弱質何堪遇
強暴三入三出不顧生誓赴清流明節操節等越山
峻清比鑑湖深早將全璧護巢卵豈惜捐軀酬藁礎
卜鄰近接曹娥墳海長存精衛心絕壑蛟龍先退
避炎天蠅蚋莫能侵蠶豆橋邊水不流寒食梨花土

節烈記

五

一邱自邀 綸綍從天下志乘輝煌慰九幽聞風興
起在後裔正氣浩然王繼周孫婦臨危何所恃願學
當年我祖妣防身器備翦雙鋒畢命書成詩一紙複
壁窮將伏氏披絕吭甘效費娥死如此奇節世罕有
輝映後先乃有偶卽今儀廩皆吾友好善益徵先德
厚寶茲尺幅傳不朽君不見繼繼繩繩世澤長左券
操之兩節母

張上猷

子盛

錢塘

不讓曹娥水清流萬古春倉黃關大節頃刻作完人
風雨編彤管冰霜屹翠珉南疆留逸史誅筆賴儒臣

純南畝遺事者有二李氏謠著釋史潘氏
睿臨著逸史周安人事見釋史非逸史也

種徧冬青樹依依繞墓門九原應灑涕片碣幾招魂
圖畫猶能識滄桑不可論雙阡堪繼美遺澤到初孫

王繼香

子獻

會稽

風烈樹斂籥終始鏡湖香當年蠶豆橋下兵劫劇蒼
黃想見寄琴傳語纔得從容就義一躍水中央精爽
耿難泯曠代發幽光 曾文正戴文節左文襄淋漓
大筆濡染次第爲褒揚況有雲初濟美歲歲錢江東
渡上芻醕椒漿粉本表遺躅奇節傲干霜

二百卅年後徽烈嗣前修英英林下風範從宦在蘇

節烈記

罕

州慘值魚鮪歸去驚報虎林告陷複壁恣窮搜纖手
握并剪慷慨斷咽喉 佩刀計吟詩意願終酬口占

七字無愧竟效太君周今日仙山團聚應喜家風能

繼話舊淚雙流彤史互輝映綽楔煥烏頭

水調
歌頭

張大昌

小雲

仁和

大節森森出濟陽淵源於越到錢塘松筠貞操鍾閨
秀薜荔哀詞弔國殤鏡水清流明似玉并州快翦白
如霜自慚孱筆非中壘合傳佳文志表彰

余曾修杭
州府志列

小腆輝殘大劫遭土無乾淨不能逃縱知一死須臾

事那計千秋節烈褒三日屍香尤表表末流世濁任
滔滔拜觀題墓忠臣字河塔山陽綽楔高

願效清風周太君平江遺愛紀遺聞素心早見青箱
筆碧血驚飛白練裙複壁明知非樂土叢祠行見薦
靈芬他年濟美孫曾盛疊荷 鸞章五色雲

鬚眉巾幗女中英風引軒輶返太清義薄雲天孫繼
祖節同冰雪死猶生八千卷得詩書氣二百年流金
石聲輝映後先彤史紀一尊溘藻奠東城

黃體芳 淑蘭 瑞安

宏光殘局最傷神椎布能將正氣伸愧殺急裝諸婦

節烈記

聖

女苦隨馬上窄衫人

明南京之變馬士英窄袖小帽
躍馬出城隨行婦女皆急裝

婦節臣忠等可哀更從九死別奇倅當時淺水西洋

港一躍何曾了念臺

戴山先生扁舟辭墓躍西洋港
水淺不死絕勺水十二日然後

正命

哦詩握翦紹先芬二百年來雙節聞此幘君家猶木

像永維忠孝到初雲

盤盤尚

傲草五拾雲

筆簪繆荃孫

後珊 江陰

明賦非樂土踏麻行良節

風義流芳韶歲遙詠歌篇什積瓊瑤招魂何處山陰

道月冷風清蠶豆橋

字阿崑山 吳興

事 陸有玉

似山 吳仁 和 吳香 大表 表末 吳 吳 吳

八千卷塵頭圖繪仰貞烈凜然生氣存千秋炳日月
題句盡名賢欲言羞剿說緬彼蠶豆橋流芳水終潔
世事忍重論請視此豐碣二百年後有婦繼盡節
至性根于孝療母十指血庚申紅巾起詩誓景前轍
白水與白刃事豈須與決時我有弟婦仲弟前室汪氏兩妹
同命畢一歸華學來一歸鄒在陸同赴水死今日誦遺芬觸感且走筆

張爾嘉

春岫

仁利

蠶豆橋下水終古瑩且潔我問諸水濱爲有烈婦烈
烈婦年十九丁氏紅襦結入門操井曰夫也渡江別
所居非桃源遊軍起草竊倉卒無逃處保身獨明哲

節烈記

聖

煢煢膝下兒左提而右挈寄之比鄰家忍痛自嗚咽
回視一泓水此志同冰雪死也須與事三出三溺絕
曾公刺在位孺忍不肯決倉皇一旦情久長千古節
烈婦事姑孝姑病將永訣求得海上方徧刺十指血
死非須臾事戴公別有說積厚流益光日月不磨滅
兩公論超超伯仲莊與列史筆三長擅至行一腔熱
遙遙二百載我栽樹石碣至今河塔原姓氏表綽楔

張景雲

寅伯

錢塘

福巖社前繫渡舟社祀梅福不知始於何時有崇禎間重修碑道堂菴下
水西流菴在道堂橋下此間洵美桃源地詎料烽煙

起越州

起越州 起越州 起越州

越州小腆變須臾山岳鴻毛頃刻殊寄子從容三溺
殉白蓮潔不受泥汗古甯臨留留墨奕世流芳
蠅蚋汙泥不致侵清風嶺下許同心須臾所積成千
古五世其昌盛武林

武林孫婦夙能文詩誦清芬周太君如雪珮刀如水

志表揚史筆九重聞

九重重疊荷恩綸輝映崇祠棊新翦取梅山山

下水流長源遠淨無塵

孫炳奎

仁甫 仁和

節烈記

聖

寓山止水葬祁公會謁叢祠懷清風聞風興起有女
子寇變倉皇不畏死三援三溺水中吐白蓮一朵開
娟娟蠶豆橋下水淵淵行人過者猶凜然二百年後
繼祖德佩刀如雪方寸鐵詩中志即喉中血白刃可
蹈白水盟婦姑含笑歸蓬瀛後先疊荷皇家旌濟
陽雙烈著臣里我慚孱筆紀彤史

許仁沐

廷伯 海濱

蠶豆橋頭水冰心萬古清鉅儒留翰墨奕世振家聲
敬下松楸拜榮邀綽楔旌寒家有遺烈媿未表先瑩

先六世祖妣潘太君貞烈
事蹟詳載 欽定明史

黃學淵

鞠如

錢塘

風清人唱白蓮謠濟美松筠其不凋鏡影波寒心比
潔翦鋒霜利節同昭百年族盛虎林地一派源流蠶
豆橋長久須臾知所本大文曾戴論超超

吳慶坻

子修

仁和

河塔山前月沈沈照暮楸寸心超劫網終古咽寒流
老輩各持論鴻文多燁幽後先照焯管雙烈並千秋

朱文懋

恭甫

嘉興

楚些招魂賦國殤時丁浩劫慘紅羊捐軀不媿閨中
彥刺血先傳海上方水調神巫歌報賽雲祔子婦續

節烈記

閩

流芳文章詠歎丹青寫濟美爭輝寶婺光

笄世基

培之

句容

刺血療姑事亦奇剖肝剖股復何疑人間節孝原非
偶天性生成豈勉爲揮臂懷沙竟自沈芳流彤管到如今須與那記千秋
事一樣龍溪只此心

二百年來間氣鍾一門節烈繼家風可憐蠶豆橋邊
水淬入并州快翦中

淋漓燕許筆如椽還乞新圖到日邊從此此橋俱不
朽表揚終賴後人賢

姚瑩俊 鏡西 蕭山

蠶豆橋頭水鳴咽河塔山頭月淒絕中有貞魂時往
還含笑千秋成節烈節烈遺事傳軼聞二百餘載流
清芬復經曾公戴公燕許筆表幽閨微垂大文曾公
之言借刺草間活戴公之言自道志不奪此事須與
非須與義各有取無乖刺天生節烈萃一門前周後
王相繼馨荃蓀濟陽望族蔚時彥彰先德長其天
壤存三出三溺誓必死化龍二孟同殉應同視順治
王師
下浙東前明巡按陳潛夫之妻并州之剪喉可斷以
二孟氏同死山陰化龍橋下比光弼鞞刀更悍巾幗乃能扶綱常固宜疊荷 天

節烈記

畧

語褒煌煌積之厚者流自光淵源溯自山陰派衍及
錢塘八千卷樓鬱芳藹繼繩繩與未艾彤管揚輝
有後人世澤綿延用保以滋大我今作歌懷禮宗臨
難倉皇翻從容歌罷寒燦肅然對坐聽簷溜聲淙淙

楊振鎬 春浦 錢塘

系自有周抗心希古壺政穆宣身經險阻橫厲糾紛
遵彼河澗逝者如斯貞節克舉危軀授命家崇儒門
興茲雙起庶慰寃魂著以累世旌以殊恩光敷聖善
垂範後昆

誰其繼之王載有述言授斯詩儀型在昔正丁厥時

率由嘉則志厲義高冰刃露潔仰慕同趣迸涕交揮
莫之玷辱視死如歸世滋芳烈寵命有輝義存祀典
身沒名垂

集文
選句

馮一梅 夢香 慈谿

明季中原騁蛇豕磨牙吮血勢不止江海鼎沸神鬼
哭獨不能屈一女子峻節高於天姥峯貞心清若鑑
湖水二百年後裏未已豈惟芬溢南疆史爰思聖教
入人深早自契爲司徒始男女有別人倫明唐虞以
來久如此山河易姓此不易不易維何曰有恥大人
先生或可欺匹夫匹婦終可恃至剛不能克至柔竊

節烈記

哭

期當世思此理

楊譽龍 雲程 錢塘

越山匪高越水匪潔孰爲高潔烈婦盡節

一解

烈婦

者誰有周安人既善守身亦善事親

二解

海上之方

指上之血徧刺十指療母奇疾

三解

天降喪亂臂爲

賊牽婦臂可牽婦身可全

四解

夏日炎炎問諸水濱

三出三溺絕命歸真

五解

夫客武林子在山陰以子

遺夫族人勝任

六解

婦死三日夫還故邑婦尸不變

蠅蚋不集

七解

蠶豆橋邊豐碑彰彰名公載筆尤闡

幽光

八解

越二百年誰嗣徽音維玉孺人亦矢堅心

九解 從宦金陵時憂寇兵清詩吟成遺烈願承 十一解

迨返杭州避賊無由匿身複壁賊乃尋搜 十一解 翦

刀斷喉死在頃刻此身無瑕如圭如璧 十二解 繫兩

烈婦若合符節其事則異其揆則一 十三解 白水可

盟白刃可蹈沒世名傳千秋炳耀 十四解

孫樹義 補三 餘杭

昔王蠋有言忠臣不事二君烈女不更二夫蓋婦以夫爲天臣以君爲天其迹異其義均也義於光緒戊戌仲冬始得讀節烈記距曾文正表墓之歲又閱五十有餘年其間時事遷流人心叵測幾有江河日下

節烈記

聖

之慨若 國初之周安人咸豐朝之王孺人皆巾幗而丈夫者也丈夫而巾幗焉可乎哉中日之役海軍陸軍相繼淪陷喪師辱國割地行成請庚之鉅亙古未有向使任事諸公能出其死力灑一腔熱血背城借一與角勝負安知不轉敗而爲功卒之身幽囹圄猶復隱忍苟活不能自引決至此始悔生而辱不如死而榮也不已晚耶而況其并不知悔耶撫時感事振觸余懷彼爲人臣而苟祿全軀者聞雙烈之風亦可以思返矣

從事編詩役優聞雙烈名

南海潘師輯兩浙輶軒續錄曾襄編校君家刊杭郡

詩三輯亦千秋光志乘一死媿忠貞慷慨終全節須

與見積誠羣公名論在濡忍愧偷生

孫樹禮 和叔 餘杭

節烈記名人題詠詳矣禮何能贊一辭惟籍屬山陰而杭郡新志錄其人不可無說敬就須臾二字引伸之亦以見殉節非須臾事而蹈道守禮平日之須臾無敢忽古人之於仁終食無違而後能造次顛沛必於是其於義也亦然取義成仁烈婦於聖賢之道夫何愧焉

人生百年過隙駒百年一瞬如須臾須臾忍死死良

節烈記

吳

苦忍須臾死死千古之蹈道者道不敢須臾離古之守禮者禮不使斯須去蹈道守禮人所難須臾毋死義未安我聞烈婦之烈心悲酸烈婦者誰氏周歸丁籍隸山陰地福巖卹中蠶豆橋下順治初年事非惟徵諸郡縣及通志曾公文正戴公文節歷歷爲之記我欽烈婦烈輯杭郡志揚其芳匪爭謝公墩烈婦所天瑞南實遷杭迄今雲初科第綵延已七世皆須臾時積厚流其光況夫有裔孫其名曰莊厥婦王庚申殉劫先後相頡頏從夫之義婦豈須臾忘魂兮魂兮庶幾化鶴來錢塘

吳受福 介茲 嘉興

置場誰把須臾審巾幗翻留姓氏馨淞水東西三百
禩我我綽楔峙雙丁

盛 起 鳳翔 餘杭

河塔山高月似霜福巖社冷白蓮香憶曾同泛山陰
棹竹裏來登舊草堂

仰瞻綽楔凜冰霜百世叢祠奠瓣香但看比鄰村塾
啟臨流燈火上書堂

萬古清風六月霜三投橋下水猶香臨危授命關天
性刺血和湯奉北堂

節烈記

吳

小腆跳梁隕曉霜九天詔賁御爐香淵源直接南豐
派大筆親題春在堂

豐山鐘應本知霜譜乘圖經姓氏香願繼宗風詠先
烈平江遺愛佐琴堂

慈竹凌寒菊傲霜剪刀如雪血痕香果然遺烈風猶
在蘋藻馨香共一堂

表揚椽筆挾風霜圖畫流傳挹古香二百年來相濟
美濟陽丁氏正修堂

盛 越 菊人 餘杭

一死豈求名百年終得旌膝前兒有託橋下水無情

喬木自承蔭莓苔不敢生南豐大手筆偉作表佳城
族盛著錢塘嗟哉殄國殤璇闈詩見志金翦血生香
節烈一家繼源流五世昌我我雙石闕江上互相望

金鳳藻

金門

餘杭

慷慨從容兩有之須臾自足見平時卽非刺指療姑
事純孝無違亦可知

既全二子又全貞不是尋常溝瀆輕想到陳尸三日
後溺人猶笑面如生

二百餘年繼烈風隱然成算見詩中表彰節義褒成
錄絕命爲書一翦紅

節烈記

五

棹楔巍然羨里鄰豐碑入尺嵌墻新雲仍系衍門楣
大到底蒼蒼不負人

盛慶蕃

劍南

餘杭

時在順治歲丙戌大兵雖集賊猖獗志如山嶽不可
奪此身未死此心決託寄襁子先施設三拯三溺氣
乃絕生能盡孝十指血死則留芳千秋節夫未來炎
六月尸不腐香三日凜凜正氣皜皜雪慷慨殉身出
巾幗二百五十年後人猶津津說繼其風者行芳潔
以翦自刺心如鐵先後同揆女中傑天語煌煌旌
英烈建祀崇隆次第列千秋馨香不磨滅

陳通聲 蓉曙 諸暨

幼婦黃絹詞寂寥曹娥江水碧迢迢野碑荒落無人
讀梅福社前蠶豆橋

二百年來話劫灰西洋港口長莓苔何須更弔王元
趾弱女沈淵劇可哀

棠梨開徧徧塔山原寒食春風掃墓門文正表旣文節
政長留遺墨搢乾坤

按壁刺喉事再聞雲孫有婦接清芬九泉重理生前
句一笑親呈周太君

靈旗慘淡月昏黃六代婦姑笑語溫吳越隔江勞往

節烈記

五

返金衙莊

杭城忠義祠
在金衙莊

與福巖邨

嘉興縣西

藝苑雙丁舊有聲翠螺閣復擅詩名書樓翻盡八千
卷列女傳箋劉更生

周元瑞

子雲

仁和

天地有正氣亘古不澌滅或發爲忠孝或秉爲貞潔
稽山鏡水間在昔多賢哲請英一以萃名媛繼軌轍

歷數明之季閩閩皆奇傑烈烈將軍沈提戈能殺賊

見毛西河遊擊將
軍沈雲英墓誌銘

峩峩長河來沈湘矢奇節

見林鹿
盒來烈

節墓嗚呼丁烈婦至行光載筆雖無將軍勇庶幾長

河匹少小嫺姆訓篤孝靡虧缺母氏患心痛婦心痛

欲絕或傳海上方和樂須指血婦云疾可愈捐軀亦
心悅一刺一滴紅艷色胭脂奪卽觀事親孝已知殉
義烈時當闖獻後遍地盜成窟玉帛與子女白日恣
搜括郁郁桃李姿舍死無善術婦也守里閭徙薪防
曲突藁砧事遠遊呱呱兒繞膝雙雛得所託矢志迺
彌決萑苻嘯四野隻身慮見屈慷慨赴洪波三溺復
三出初志誓不回正命非短折其時當順治三年夏
六月盛暑尸不腐生氣猶勃勃良壁磨不磷幽光鬱
必發墓碣表名臣綽楔旌 帝室流水何湯湯千秋
葬貞骨作詩當閩箴傳播永弗佚

節烈記

垂

宋文蔚

澄之

溧陽

節烈湖宏光霜筠屬濟陽椎巾伸大義焯管表遺芳

正命須臾定貞風累禩彰中原重造劫節裔氣同揚

三出胡念修

右階

建德

願采黃金鑄女師千秋竺孝屬蛾眉瘵親海上求方

藥刺指還如刺繡時

一寸江山兩淚傾倉皇鼙鼓斷人行低頭暗禱神俯

尉誓報平生抱柱情

鑑湖八百繞榆粉落日叢祠憶露筋蠶豆花開人已

去獨留社鼓薦清芬

濡染淋漓筆似潮貞珉兀兀柱雲霄碑陰不敢題黃
絹流水年年過板橋
壺範愔愔四德開湖山氣助掃眉才裁衣織素恢形
管詠絮簪花冠玉臺

鶴嶺康臺怨陸沈蟲聲四壁咽秋吟空闈欲和刀環
曲涼月千家急暮碁

無生之氣說貔貅不見韃刀志復讎獨有風追遺烈
者從容一翦借并州

二百年來見兩人遙遙浩氣動江津輜軒停向錢塘
路十四字能泣鬼神

節烈記

三

童馨德

子香

錢塘

臨難守節有女能之迺眷淑德異世並祠凶徒逆傳
逐魄湘水遑恤我躬命也天只惟此烈婦萬古清規
其人如玉爰表芳徽行歸於周來者則徼殺身成仁
獨懷清操事有至難白刃弗移大義昭揭其甘如飴
垂三百年流光累葉天下大閑惟夫人德

集袁韶錢塘先賢傳

贊

王元林

二水

仁和

大義昭日月清節凜冰霜誰披董狐筆逸史紀南疆
千秋蠶豆橋橋下水迢迢配食曹娥廟巴巫來弄潮

飲刃有賢婦合之則雙美魏魏周太君賦詩願竊比
圖畫寄餘思詩歌扇爾雅至今二百年聞風興起者

朱景彝

柘青

錢塘

至行出閨關須臾卽久長治家勤婦職療疾得神方

丹詔雲霄下白蓮風露香至今河塔埠松柏鬱蒼

蒼

梅山源自遠瓜渚水無波千古一泓潔希蹤曹氏娥

誦芬詩見志表節石同磨二百有餘歲清風起浩歌

孫

峻 康侯

仁和

高風梅福社清流瓜子湖中有女中傑至行烈丈夫

節烈記

奇

厄運值陽九小腆起萑苻泰山鴻毛間生死爭須臾

須臾獲久長斯理不可逾宏文讀曾戴日星輝天衢

悵予生也晚面質虛坐隅指血刺漉漉古方參靈樞

曾曰救其母戴曰療其姑二者必一誤疇克辨其誣

還詢烈婦裔更讀世系圖堂上篤所生閨中稱賢姝

孝爲百行首盡職同一途能刺十指血能保千金軀

聞風尙興起況爲家之模遙遙二百載繼志志不殊

吟詩徵定力一字一明珠絕糧甘忍餓城破不受污

并州快翦刀血縷喉間濡山陰與錢塘一氣相感孚

可知血性者先後若合符在國節烈表在家經常扶

高全棟 清孫 秀水

仰企濟陽望詩歌蠶豆橋清流冷冰雪貞石寶璫瑤
文史南臺著丹青北苑描韶年 褒節烈疊沛 九

重霄

盛極難為繼須臾即久長書空藏複壁刃已挾嚴霜
五世澤不斬千秋族有光余慚中壘筆合傳表遺芳

楊泳生 躍淵 仁和

忍節須臾姓氏揚名臣題贊燭天光血鬪十指孝思
積翼撫雙雛遺澤長大節璇闈原不朽諸孫玉樹早
成行梅溪地接曹娥廟河水江流一例香

節烈記

五

誦詩慘軼蓼莪吟節烈遺風表素心光弼鞞刀常自
勵臺卿復壁漫相侵毀容羣賊難污玉顧影何人誓
斷金猶記同時赴泉下慈闈追憶痛難禁 先繼妣徐
太安人遭
髮匪之難抱襁褓兒匿壁間亦為賊搜得抱兒躍入
井死事詳浙江忠義錄與王孺人合傳蓋當時同地
同時又同
志相感也

閩秀題詠

黃

珏

佩珏

海鹽

風送柯亭笛月沈瓜浦珠誦芬越之秀樹德女中儒
寄子肝腸裂療親指血濡曹娥欣把臂神樂奏師巫
族姓盛錢塘流傳百世芳防身鋒礪雪明志句凝霜
凜若賊威駭偉然大未亡行看彤管煒中壘傳姬姜

孫佩蘭

譜香

錢塘

仙尉祠前秋月明中郎亭外晚煙橫至今橋水無情
冷照見人心分外清

佩刀一尺白如銀霜礪鋒棱雪鍊神願效太君明素

節烈記

美

志謝庭不樂詠吟身

節烈清芬萃一家吳山越水望無涯年年翦紙招寒
食墓木女貞不作花

左錫璇

芙江

陽湖

越水吳山隔一江璇閩節烈頌無雙桃源難覓神仙
境桑梓終依父母邦此志千秋盟止水餘生六月泛
歸艤濟陽世德宜同祀酌薦寒泉賦芷沆
門前流水碧粼粼上有垂楊綠蔭鄰烽火倉皇將亂
日江湖迢遞未歸人牽衣寄子千金義求藥醫親十
指神蠶豆橋邊波澈底翼然亭子樹貞珉

佐治吳江接具區萑苻綏輯化鞭蒲凝霜佩劍身家
計如雪麻衣棺襯扶飲水樂飢傷久困吟詩見志有
前模萇宏碧血飛燐火巾幗鬚眉烈丈夫

君家祖德著山陰繼迹冰霜一片心地補靈鼇扶斷
極天頽威鳳下徽音雲初世業傳吳畫風雅輞軒
採越吟二百年來雙濟美一編女史寶遺箴

徐印鈺

珩仙

海鹽

名公當代如椽筆闡揚女中豪傑刺指療姑割恩寄
子嘔盡滿腔心血變生倉卒忍慷慨捐軀清於冰雪
蠶豆橋邊至今流水尙嗚咽一身從容殉節更爭

節烈記

五

輝先後炳如星日絕命詩成斷喉翦快願效當年遺
烈長埋香骨有越水吳山方斯高潔巾幗鬚眉兩時

同一轍

調寄齊天樂

凌祉媛

苗沅

錢塘

稽山山比峻越水水同芳大節鍾巾幗清芬達尙方
心貞梅傲雪骨勁柏凌霜禮節三千冠春秋五百長
貽謀懷木本敷典寫蕪章少小紅閨守艱難白屋嘗
笑言徵靜肅舉止協端莊荆製釵雙股機工錦七襄
孤貞原性格摯孝盡倫常病憫諉枝劇靈慳藥石商
摧肝情力竭刺指血痕涼婦道二從仰閨儀四德彰

殷勤操井臼精潔作羹湯舉案誇聯璧懸弧慶弄璋
牛衣方共泣雁侶忽分翔社鼠開奇覺池魚受慘殃
王師旋定鼎小醜敢跳梁攬臂顏嗤忿捐骸志激
昂雙孤遺髮白一躍痛泉黃生氣三辰懍炎威六月
忘涕洟傷戚里名實報膠庠長吏生欽佩童孫快熾
昌 紫泥頌 鳳詔彤管錫 龍光豐樹河千碣
恩褒道側坊棠梨封墓隴芹藻薦祠堂餘恨難填海
沈寃等赴湘七傳珍玉護一卷寶金相表已詞章富
書還史冊詳琳瑯紛記載潔烈徧稱揚家乘今虔展
遺徽頌不遑

節烈記

美

豐稔盈本

書畧史冊

謝安孫

恩愛

昌

忘

恨

王

半

幾

先節烈表傳及題 旌文牘經亂散佚劫後百計搜羅僅得曾文正所撰墓表暨戴文節書事而邵位西先生所撰之傳則終不可得蓋燬於粵寇久矣先考府君曾乞吳頌音丈繪圖記事徧徵題詠又嘗手錄諸公詩文彙爲一集屢欲付梓以必欲訪獲邵文故欲刊未果今府君棄養已逾一載渤海以讎教滋事外夷構釁 輦轂震驚東南土匪亦蠢然思動竊恐譌言四起人事惛眩失此不圖致滋後悔因取府君手稿敬謹登本曾戴二文均各刊載本集久已彪炳震區後生小子均熟誦之獨邵文終不可見尙冀當

節烈記跋

一

日嗜古之士有錄副以祕藏之者儻肯遠郵寄惠不獨先世節烈暴著海內藉獲表揚而先府君殷拳搜羅之志得以慰諸地下文字有靈異日必有晦而復顯者謹識此以俟光緒二十六年七月中元節裔孫立中敬誌

館公怡文彙一榮觀於林以必必而數昭文姑
以曾曾心吳脈音大餘圖誌津詞贈題瑞文嘗手錄
先王河對文對俱孫不同特蓋熾代專駁入矣於特
辭對對曾文王河對墓表暨文節書事而邵位西
先論原表對文題 旌文牘經亂散佚劫後百計搜

